



**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKO VIJEĆE**

Broj: 01-____/17

Datum: ____ .2017. godine

PRIJEDLOG

Na osnovu člana 14. stav (1) tačka 28. Statuta Općine Tešanj („Službeni glasnik Općine Tešanj“ broj 11/07) Općinsko vijeće Općine Tešanj, na sjednici održanoj _____ donosi

ODLUKU

o izmjeni i dopuni Poslovnika o radu Općinskog vijeća Tešanj

Član 1.

Ovom Odlukom vrši se izmjena i dopuna Poslovnika o radu Općinskog vijeća Tešanj (Službeni glasnik Općine Tešanj” broj 7/08, 1/12, 7/12 i 10/14) u članu 8. stav (4) iza riječi "tekst izjave" dodaje se tekst: "i izjavu o poštivanju Kodeksa izabranih zvaničnika - vijećnika u Općinskom vijeću Tešanj", a riječ "ga" zamjenjuje se sa "ih".

Član 2.

U članu 9. iza riječi "daju svečanu izjavu" dodaje se tekst koji glasi: "i potpisuju izjavu o poštivanju Kodeksa izabranih zvaničnika - vijećnika u Općinskom vijeću Tešanj".

Član 3.

U članu 15. iza stava (1) dodaju se stav (2) i (3) koji glase:

"Vijećnici se educiraju i u toku cijelog mandata po posebnim godišnjim planovima koje donosi Vijeće za svaku godinu.

Prisustvo edukacijama obavezno je za sve vijećnike".

Član 4.

U članu 19. nakon alineje "osigurava uvjete za rad vijećnika" dodaje se još jedna alineja koja glasi: "obezbjeđuje uslove za rad medija i kontroliše upotrebu mikrofona na sjednicama,".

Član 5.

U članu 21. stav (1) na kraju teksta iza riječi "obrazuju se stalna i povremena radna tijela" dodaje se zarez i tekst koji glasi: "koja broje tri ili pet lica."

U stavu (2) tekst "izvještaje Vijeću" mijenja se i glasi: "i dostavljaju polugodišnje i godišnje izvještaje Vijeću i javnosti".

Član 6.

Iza člana 21. dodaje se novi član 21a. koji glasi:

"Član 21a.

Izbor članova stalnih radnih tijela, a u skladu sa donesenim kriterijima, posebnom odlukom utvrđuje Općinsko vijeće, vodeći računa da se angažovanje lica u radna tijela, pored vijećnika, dodijeli stručnim i uglednim građanima, s tim da pri izboru spoljnih članova kod jednako rangiranih kandidata, prednost imaju pripadnici manje zastupljenog pola, pripadnici nevladinog sektora i marginaliziranih grupa (nacionalne manjine, lica sa invaliditetom, povratnici)".

Član 7.

Član 22. mijenja se i glasi:

"Radno tijelo Vijeća ima predsjednika, zamjenika predsjednika i određen broj članova. Predsjednika radnog tijela i njegovog zamjenika bira svako radno tijelo na svojoj prvoj (osnivačkoj) sjednici koju saziva predsjedavajući Vijeća.

O izvršenom izboru odnosno imenovanju predsjednika i članova radnih tijela donosi se rješenje.

Ako radno tijelo ne može održati dvije uzastopne sjednice zbog neopravdanog odsustva nekih od članova komisije, Komisija Vijeću predlaže da izvrši zamjenu tih lica."

Član 8.

U članu 23. alineja koja glasi "predlaže dnevni red" se briše.

U stavu (2) iza riječi "spriječenosti, zamjenjuje" dodaje se tekst koji glasi "zamjenik predsjednika, ili u slučaju i njegove odsutnosti,".

Član 9.

Član 24. stav (1) mijenja se i glasi: "Radno tijelo radi u sjednicama u skladu sa Poslovnikom Općinskog vijeća, a radno tijelo može donijeti i vlastiti Poslovnik o radu."

Član 10.

U članu 26. stav (1) nakon tačke 10 dodaju se nove tačke 11. i 12. koje glase:

"11. Komisija za monitoring nad realizacijom Strategije razvoja Općine Tešanj;

12. Komisija za provođenje Kodeksa ponašanja izabranih zvaničnika-vijećnika u Općinskom vijeću Tešanj."

Iza stava (2) dodaje se novi stav (3) koji glasi: "Za ostale komisije Vijeće imenuje lica-građane, vodeći računa o njihovoj stručnosti, polnoj i starosnoj zastupljenosti, te zastupljenosti marginaliziranih grupa građana."

Član 11.

U članu 27. na početku teksta dodaje se alineja koja glasi:"u svom sastavu ima tri lica,".

Član 12.

U članu 28. na početku teksta dodaje se alineja koja glasi:"u svom sastavu ima tri lica,".

Član 13.

U članu 29. na početku teksta dodaje se alineja koja glasi:"u svom sastavu ima tri lica,".

Član 14.

U članu 30. na početku teksta dodaje se alineja koja glasi:"u svom sastavu ima tri lica,".

Član 15.

U članu 31. na početku teksta dodaje se alineja koja glasi:"u svom sastavu ima tri lica,".

Član 16.

U članu 32. na početku teksta dodaje se alineja koja glasi:"u svom sastavu ima tri lica,".

Član 17.

U članu 33. na početku teksta dodaje se alineja koja glasi:"u svom sastavu ima tri lica,".

Član 18.

U član 34. na početku teksta dodaje se alineja koja glasi: "u svom sastavu ima pet lica,".

Član 19.

U članu 35. na početku teksta dodaje se alineja koja glasi:"u svom sastavu ima tri lica,"

Član 20.

U članu 36. na početku teksta dodaje se alineja koja glasi: "u svom sastavu ima pet lica, a prednost pri izboru imaju pripadnici manje zastupljenog pola,"

Član 21.

Iza člana 36. dodaju se dva nova člana 36a. i 36b. koji glase:

"Član 36a.

k) Komisija za monitoring nad realizacijom Strategije razvoja Općine Tešanj:

- u svom sastavu ima tri lica,
- pri izradi Budžeta i drugih godišnjih planova kapitalnih investicija Općine, prati planiranje zadataka iz Strategije,
- prati realizaciju planiranih projekata i u tom cilju ostvaruje saradnju i obezbjeđuje potrebne informacije od nadležnih organa i institucija,
- informiše i izvještava Vijeće o realizaciji Strateških projekata sagledavajući ograničenja realizacije projekata, te mjere koje bi trebalo poduzimati i predlaže nove rokove.

Član 36b.

l) Komisija za provođenje Kodeksa ponašanja izabраниh zvaničnika-vijećnika u Općinskom vijeću Tešanj:

- u svom sastavu ima pet lica,
- prati ponašanje vijećnika na sjednicama Općinskog vijeća i javnim istupima,
- prati evidenciju prisustva vijećnika sjednicama Vijeća, edukacijama i općinskim manifestacijama,
- zaprima zvanične primjedbe, pritužbe i prijave građana i vijećnika o eventualnom kršenju Kodeksa od strane nekih od vijećnika,
- razmatra slučajeve nepoštivanja Kodeksa od strane vijećnika koje sama uoči,
- u svim slučajevima narušavanja Kodeksa vodi postupak utvrđivanja odgovornosti vijećnika, a o svom radu pismeno izvještava Vijeće pri čemu Vijeću predlaže i kaznene mjere koje su Kodeksom predviđene,
- komisija poslove iz svoje nadležnosti izvršava u skladu sa vlastito donesenim Poslovnikom."

Član 22.

U članu 38. stav (1) tekst "koji imaju vijećnike u Vijeću" zamjenjuje se sa "koji imaju najmanje dva vijećnika u Vijeću".

Stav (2) i (3) se brišu, a dosadašnji stav (4) postaje stav (2).

Iza stava (2) dodaje se novi stav (3) koji glasi: Klubovi vijećnika delegiraju svog predstavnika u Kolegij Vijeća

Član 23.

U članu 39. dodaje se stav (5) koji glasi: "Cjelokupan pisani materijal, po utvrđenom dnevnom redu Kolegija, objavljuje se na web stranici Općine, ali ne kasnije od sedam dana prije početka sjednice."

Član 24.

Član 48. mijenja se i glasi:

"Vijećnik na sjednici o istom pitanju može govoriti samo jedanput do pet minuta.

Izuzetno, u cilju potpune informisanosti vijećnika o određenoj tematici, duže od pet minuta mogu govoriti izvjestioci o materijalu koji se razmatra (npr. prilikom prezentacije prostornih planova, projekcije budžeta, podnošenja izvještaja javnih ustanova i preduzeća, prezentacije programa i projekata, strategije razvoja, kapitalnih investicija i sl.), o čemu brigu vodi predsjedavajući Vijeća.

Učesnici u raspravi imaju pravo na repliku u trajanju do tri minute, a za ispravku krivog navoda do jedne minute.

Zahtjev za replikom vijećnici iskazuju podizanjem bijelog kartona sa natpisom "Replika", a za ispravku krivog navoda podizanjem žutog kartona sa natpisom "Ispravak krivog navoda".

Vijećnici koji se jave za repliku ili ispravak krivog navoda imaju prioritet u dobijanju riječi u odnosu na vijećnike koji se javljaju za diskusiju.

Pravo na repliku imaju učesnici u raspravi u slučaju da su prozvani imenom, ili ako je prozvana stranka.

Ispravak krivog navoda vijećnik počinje citiranjem nečijih riječi za koje smatra da su netačno izrečene, a potom navodi svoj ispravak istog navoda bez dodatnog pojašnjenja.

Primjedbe i kritike upućene izvršnoj vlasti ne podrazumijevaju pravo na repliku.“

Član 25.

U članu 53. stav (2) tekst "pročita stenogram," briše se a na kraju stava umjesto tačke upisuje se zarez i dodaje tekst "o čemu glasanjem odlučuje Vijeće."

Član 26.

U členu 54. briše se stav (2), a dosadašnji stav (3) postaje stav (2).

Član 27.

Tekstovi članova 54. i 55. međusobno se zamjenjuju.

Član 28.

U članu 56. stav (1) iza riječi "Općinskom načelniku" briše se zarez i dodaje veznik "i".

Stav (3) tekst "u pravilu," se briše, a tekst "3 dana" zamjenjuje se sa "sedam dana", tekst "izuzetno" zamjenjuje se sa tekstom: "a samo u hitnim slučajevima".

Stav (5), iza riječi: "raspravlja se na", dodati tekst: "istoj", a na kraju istog stava umjesto tačke upisati zarez i dodati tekst: "ako takav zaključak na prijedlog vijećnika predlagača glasanjem donese Vijeće".

Član 29.

U članu 57. dodaje se stav (4) koji glasi:

"Na odgovor po vijećničkom pitanju ne otvara se rasprava."

Član 30.

Član 58. mijenja se i glasi:

"Vijećnik koji nije zadovoljan odgovorom ili nije dobio odgovor na vijećničko pitanje, može postaviti novo/dopunsko pitanje ili može predložiti da se o istom pitanju provede pretres/rasprava na jednoj od narednih sjednica Vijeća.

Vijećnik koji je predložio da se provede pretres dužan je da obrazloži prijedlog.

O prijedlogu da se provede pretres odlučuje Vijeće.

Ako Vijeće prihvati prijedlog, pretres vijećničkog pitanja se planira kao posebna tačka dnevnog reda sjednice Vijeća na jednoj od narednih sjednica Vijeća, za koju materijal priprema vijećnik/klub predlagač.“

Član 31.

Član 61. stav (1) umjesto tačke na kraju upisati zarez i dodati tekst "a izuzetno i duže".

Stav (2) briše se tekst "osim ako je Poslovníkom Vijeća određeno da o nekom pitanju Vijeće odlučuje bez pretresa" .

Član 32.

U članu 62. stav (2) iza teksta "konstatuje da se o" dodaje se tekst "predloženim zaključcima po".

Stav (3) mijenja se i glasi: "Nakon što predsjedavajući Vijeća zaključi raspravu nije moguće diskutovati o navedenoj tački dnevnog reda."

Postojeći stavovi (4), (5) i (7) postaju stavovi (5), (6) i (/), a dodaje se tekst novog stava (4) koji glasi: "Nakon kandidovanja prijedloga zaključaka od strane predsjedavajućeg, isti može dati prijedloge zaključaka na raspravu, sa isključivim ciljem da se dođe do što tačnije i preciznije njihove formulacije."

Član 33.

U članu 66. stav (1) iza riječi "vrši" dodaje se tekst "video i".
Stav (2) tekst "a naročito" zamjenjuje se sa "i to:".

Član 34.

U članu 67. stav (2) tekst "se na sjednici" zamjenjuje sa "Vijeće", ostatak teksta ostaje isti.
Stav (4) iza riječi "predsjedavajući" brisati zarez i upisati veznik "i", te iza riječi "Vijeća" brisati tekst "i zapisničar" i upisati tačku.

Član 35.

U članu 68. stav (1) se briše i stav (2) postaje stav (1)
Na početku stava (1) tekst "Stenografske bilješke, odnosno" se briše, pa početak stava počinje sa "Audio" i nastavlja se postojeći tekst.

Član 36.

U članu 69. stav (5) i (6) se brišu.

Član 37.

Iza člana 96. dodaje se novi član koji glasi:

"Član 96a.

"Sjednicama Općinskog vijeća i stalnih radnih tijela Vijeća mogu da prisustvuju i građani, odnosno fizička i pravna lica.

Prisustvo sjednicama građani najavljuju nadležnoj službi Vijeća dostavljanjem tipske prijave najmanje dva dana prije održavanja sjednice."

Član 38.

U članu 98. stav (1) iza teksta "Općinsko vijeće" dodaje se tekst "i stalna radna tijela".
Stav (2) na kraju teksta iza riječi "Općine" upisati tačku, a ostatak teksta se briše.

Član 39.

Iza člana 98. dodaju se dva nova člana koji glase:

"Član 98a.

Vijeće jedanput godišnje vrši anketu građana u cilju sagledavanja ocjene svoga rada.

Anketu provodi na uzorku od 250 do 300 ispitanika po listi pitanja koju će za svaku godinu posebnom odlukom utvrđivati Općinsko vijeće.

Član 98b.

Na osnovu mišljenja građana po provedenoj anketi, građanskom satu i drugim primjedbama građana, Općinsko vijeće će jedanput godišnje raspravljati o iznesenim prijedlozima i primjedbama građana."

Član 40.

U članu 100. stav (1) tekst "15 dana" zamjenjuje se sa "sedam dana".

Član 41.

U članu 102. stav (1) tačka a) iza riječi "teksta na" dodaje se "web stranici Općine,".

Član 42.

U članu 108. postojeći stav (2) postaje stav (3), a dodaje se tekst novog stava (2) koji glasi: "Inicijativa se podnosi na posebnom obrascu kojeg svojom odlukom određuje Vijeće."

Član 43.

Iza člana 116. dodaje se novi član 116a. koji glasi:

"Član 116a.

Na prijedlog predsjedavajućeg Vijeća, posebnom odlukom Vijeće je dužno odrediti vrijeme od 2-3 sata sedmično za *građanski sat*, kada će predstavnici Općinskog vijeća biti na neposrednoj usluzi

građanima u smislu saslušanja njihovih prijedloga i primjedbi koje se odnose na rad organa i institucija lokalne samouprave, kao i podnošenja njihovih inicijativa.

Istom odlukom Vijeće može usvojiti i plan zaduženja vijećnika za konkretne mjesne zajednice sa kojima bi vijećnici ostvarili kontinuiran kontakt u cilju sagledavanja problema i primjedbi građana i prikupljanja njihovih prijedloga i inicijativa.

Istom odlukom Vijeće definira i sadržaj tipskog obrasca o čemu građani žele govoriti. Građani obrazac obavezno popunjavaju i dostavljaju sekretaru Vijeća na dalje postupanje."

Član 44.

U članu 117. stav (2) tačka a) iza teksta "donesenih" dodaje se "i realizovanih".

Iza tačke h) dodaju se nove tačke i) i j) koje glase:

“i) prisustvo vijećnika obukama za funkcionalno usavršavanje,

j) broj građanskih prijedloga, primjedbi i inicijativa.".

Član 45.

Ovaj Odluka stupa na snagu narednog dana od dana objavljivanja u “Službenom glasniku Općine Tešanj”.

PREDSJEDVAJUĆI OV
Senad Subašić, dipl.ecc.

PRAVNI OSNOV

- Član 14. stav (1) tačka 28. Statuta Općine Tešanj („Službeni glasnik Općine Tešanj“ broj 11/07)
- Član 27. Poslovnika o radu Općinskog vijeća Tešanj (Službeni glasnik Općine Tešanj” broj 7/08, 1/12, 7/12 i 10/14).

RAZLOZI ZA DONOŠENJE

Donošenje ove Odluke proizašlo je iz niza konsultacija, prijedloga, izmjena na osnovu smjernica UNDP-a iznesenih kroz pet održanih edukacijskih radionica na koje su pozivani i vijećnici, kao i potreba koje su neophodne kako bi se rad Općinskog vijeća olakšao i približio građanima. Komisija je svoj rad, pojašnjenja, stavove iskazala u dokumentu pod nazivom Mišljenje broj 01-49-2-2580/17 od 24.10.2017.godine, koje je jednoglasno usvojeno od strane Komisije, a na osnovu čega je izrađen ovaj prijedlog Odluke.

U prilogu ove Odluke dostavlja se:

- Mišljenje o prijedlogu izmjena i dopuna Poslovnika o radu Općinskog vijeća od 24.10.2017. godine
- Primjer Poslovnika sa ugrađenim izmjenama i dopunama koje su predmet ove Odluke.

Na osnovu svega navedenog, predlaže se Općinskom vijeću donošenje ove Odluke.



PREDLAGAČ
Statutarna komisija Općinskog vijeća



Esmir Subašić, predsjedavajući

Broj 01-49-2-2580-2/17
Datum 23.11.2017.godine